

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԻՃԱԿԱԳՐԱԿԱՆ ԿՈՄԻՏԵ

ԵՐԵՎԱՆ ՔԱՂԱՔԻ ՎԱՐՉՈՒԹՅՈՒՆ

ք.Երևան

«18» մայիսի 2023թ.

ՈՐՈՇՈՒՄ թիվ 06

ԳՈՐԾԻ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Ես՝ ՀՀ ՎԿ Երևան քաղաքի վարչության պետ Ավետիք Մեհրաբյանս քննելով 13.04.2023թ.-ի վարչական իրավախախտման վերաբերյալ թիվ 230435 արձանագրության հիման վրա հարուցված վարչական վարույթի նյութերը՝

ՊԱՐԶԵՑԻ

ՀՀ ՎԿ Երևան քաղաքի վարչության կողմից 13.04.2023թ.-ի վարչական իրավախախտման վերաբերյալ թիվ 230435 արձանագրությամբ արձանագրվել է, որ «Ինտեր Ա.Կ.Վ.Ա» ՍՊԸ-ի տնօրեն Կարեն Գրիգորյանը չի ներկայացրել 2023թ.-ի փետրվար ամսվա Ձև 1- առևտուր (ամսական) վիճակագրական հաշվետվությունը (այսուհետ՝ Հաշվետվություն), որը հաստատված է ՀՀ վիճակագրության պետական խորհրդի (այսուհետ՝ Պետական խորհուրդ) 2018 թվականի հոկտեմբերի 19-ի թիվ 10-Ն որոշմամբ: Սույն որոշման համաձայն՝ հաշվետվության ներկայացման ժամկետն է՝ մինչև հաշվետու ժամանակաշրջանին հաջորդող ամսվա 10-ը:

Պետական խորհրդի 2016 թվականի հունիսի 20-ի թիվ 05-Ն որոշմամբ հաստատված վիճակագրական տվյալների հավաքման կարգի (այսուհետ՝ Կարգ) 35-րդ կետի համաձայն՝ վիճակագրական փաստաթղթերի ներկայացման համար սահմանված ժամկետի ավարտման օրվան հաջորդող հինգ աշխատանքային օրվա ընթացքում չներկայացնելու դեպքում ռեսպոնդենտը ենթարկվում է պատասխանատվության՝ օրենքով սահմանված կարգով:

Հաշվետվության ներկայացման ժամկետն էր մինչև 17.03.2023թ.-ը՝ ներառյալ Կարգով սահմանված ժամկետը: Կարեն Գրիգորյանի արարքը պարունակել է Վարչական իրավախախտումների վերաբերյալ ՀՀ օրենսգրքի (այսուհետ՝ ՀՀ ՎԻՎՕ) 169.2-րդ հոդվածով նախատեսված իրավախախտման հատկանիշներ:

Վարչական վարույթի նյութերի ուսումնասիրության արդյունքում պարզվել է, որ Կարեն Գրիգորյանն իր նկատմամբ ՀՀ ՎԻՎՕ 169.2-րդ հոդվածով նախատեսված վարչական իրավախախտման հատկանիշներով ՀՀ ՎԿ Երևան քաղաքի վարչության կողմից վարչական վարույթ հարուցվելու վերաբերյալ ծանուցվել է 13.04.2023թ.-ին:

Ուսումնասիրելով պարզվել է, որ «Ինտեր Ա.Կ.Վ.Ա» ՍՊԸ-ն ընթացիկ տարվա փետրվար ամսվա Ձև 1- առևտուր (ամսական) վիճակագրական հաշվետվությունը ուղարկել է Արարատի մարզային վարչություն:

Ելնելով վերոգրյալից, ինչպես նաև ղեկավարվելով ՀՀՎԻՎՕ 247-րդ հոդվածի 1-ին մասի 1-ին կետի և 282-րդ հոդվածի 1-ին մասի 2-րդ կետի պահանջներով՝

ՈՐՈՇԵՑԻ

Կարճել «Ինտեր Ա.Կ.Վ.Ա» ՍՊԸ-ի տնօրեն Կարեն Գրիգորյանի նկատմամբ 13.04.2023թ.-ի վարչական իրավախախտման վերաբերյալ թիվ 230435 արձանագրության հիման վրա հարուցված վարչական վարույթը:

Վարչության պետ՝



Ա. Մեհրաբյան